

**სსიპ ივანე ჯავახიშვილის სახელობის თბილისის სახელმწიფო უნივერსიტეტის
სატენდერო კომისიის სხდომის ოქმი #1**

ქ.თბილისი

2020 წელი

სატენდერო კომისიის თავმჯდომარე: ლაშა სალინაძე-ადმინისტრაციის ხელმძღვანელი
სატენდერო კომისიის თავმჯდომარის მოადგილე: ირაკლი საღარეიშვილი - საფინანსო დეპარტამენტის უფროსი
კომისიის წევრები:
ნათელა ლაცაბიძე - პერსონალის მართვის დეპარტამენტის უფროსი
არჩილ კუკულავა - იურიდიული დეპარტამენტის უფროსი
გიორგი ტალახაძე - მატერიალური რესურსების მართვის დეპარტამენტის უფროსი
ნატო ჩუბინიძე - საინფორმაციო ტექნოლოგიების დეპარტამენტის უფროსი
სატენდერო კომისიის აპარატის წევრი: ა.მერკვილიშვილი.

დღის წესრიგი: ეკონომიკური შემოსავლების დაფინანსების ფარგლებში სსიპ ივანე ჯავახიშვილის სახელობის თბილისის სახელმწიფო უნივერსიტეტის მე-10 (მალღივი) სასწავლო კორპუსში პროფესიული სწავლების ცენტრში გათბობის ქვების მოწყობის სამუშაოების შესყიდვის მიზნით ელექტრონული ტენდერის გამოსაცხადებლად განცხადებისა და სატენდერო დოკუმენტაციის/პირობების პროექტის განხილვა-დამტკიცება. სატენდერო კომისიამ განიხილა თსუ მატერიალური რესურსების მართვის დეპარტამენტის #8833/10 კორესპონდენციების საფუძველზე ელექტრონული ტენდერის განსახორციელებლად შედგენილი სატენდერო დოკუმენტაციის/პირობებისა და სატენდერო განცხადების პროექტი.

წარმოდგენილ დოკუმენტაციაზე კომისიის წევრებს შორის გაიმართა მსჯელობა და გამოითქვა მოსაზრებები.

წარმოდგენილი ხარჯთაღრიცხვის საფუძველზე კომისიის მიერ დადგინდა შესყიდვის სავარაუდო ღირებულება - 22338.00 ლარი. განისაზღვრა შესყიდვის ობიექტის საგარანტიო ვადები: პუნქტი 1.6., დადგინდა ანგარიშსწორების პირობები.

დადგინდა ტენდერში პრეტენდენტის მიერ წარმოსადგენი ინფორმაცია გამოცდილების შესახებ შემდეგი ფორმულირებით: 2018 წლის 1 იანვრიდან მოცემულ ტენდერში წინადადებების მიღების დასრულების დღემდე შესრულებული უნდა ჰქონდეს შემსყიდველის სატენდერო დოკუმენტაციით გათვალისწინებული ანალოგიური ხასიათის, სირთულისა და შინაარსის (გათბობის სისტემის სამონტაჟო-სარეაბილიტაციო სამუშაოები, იხ.დანართი 1) სამუშაოები მოცულობით არანაკლებ 100 000 ლარის ოდენობისა. დადგინდა გამოცდილების დამადასტურებელი დოკუმენტების ჩამონათვალი

ასევე განისაზღვრა პრეტენდენტის მიერ ფასწარმოქმნის ადეკვატურობის (ასეთის არსებობის შემთხვევაში) დასაბუთება: იმ შემთხვევაში თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, პრეტენდენტი ვალდებულია უზრუნველყოს ფასწარმოქმნის ადეკვატურობის დასაბუთება და დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობა. აღნიშნულის თაობაზე პრეტენდენტი ვალდებულია შემსყიდველის მიერ განსაზღვრულ გონივრულ ვადაში (არაუგვიანეს 3 სამუშაო დღისა) უზრუნველყოს შესაბამისი დასკვნის წარმოდგენა, რომელიც გაცემული უნდა იყოს აღნიშნულ სფეროში სსიპ “აკრედიტაციის ერთიანი ეროვნული ორგანოს – აკრედიტაციის ცენტრი”-ს აკრედიტებული საექსპერტო დაწესებულების ან ექსპერტის მიერ ან სსიპ ლევან სამხარაულის სახელობის სასამართლო ექსპერტიზის ეროვნული ბიუროს მიერ. სსიპ “აკრედიტაციის ერთიანი ეროვნული ორგანო – აკრედიტაციის ცენტრი”-ს მიერ აღნიშნულ სფეროში საექსპერტო დაწესებულების ან ექსპერტის მიერ გაცემული ექსპერტიზის დასკვნის წარმოდგენის შემთხვევაში, დასკვნასთან ერთად წარმოდგენილი უნდა იქნას აღნიშნულ საექსპერტო დაწესებულებაზე/ექსპერტზე სსიპ “აკრედიტაციის ერთიანი ეროვნული ორგანო – აკრედიტაციის ცენტრი”-ს მიერ გაცემული აკრედიტაციის მოწმობა.

ფასწარმოქმნის ადეკვატურობის დამადასტურებელი დოკუმენტ(ებ)ით ხელშეკრულებით ნაკისრი

ვალდებულებების შესრულების შესაძლებლობა უნდა დასტურდებოდეს როგორც პრეტენდენტის მიერ დაფიქსირებული წინადადების ფასთან (ხარჯთაღრიცხვის ჯამურ ღირებულებასთან), ასევე ხარჯთაღრიცხვის ერთეულებთან მიმართებით. დასკვნას თან უნდა ახლდეს ყველა ის დოკუმენტი, რომლის საფუძველზეც მოხდა დასკვნის შედგენა.

სამუშაოების დასრულების ვადად განისაზღვრა 30 კალენდარული დღე.

სატენდერო კომისიის მიერ ერთხმად იქნა დამტკიცებული სახელმწიფო შესყიდვების სააგენტოს თავმჯდომარის 2017 წლის 14 ივნისის #12 ბრძანებით დამტკიცებული „ელექტრონული ტენდერის ჩატარების წესის“ საფუძველზე მომზადებული სატენდერო განცხადება, პირობები და დანართები. განისაზღვრა შესყიდვის ობიექტის ერთგვაროვნების კოდი: CPV 45300000.

სატენდერო კომისიამ დაადგინა:

- 1.დამტკიცდეს ელექტრონული ტენდერის განცხადებისა და სატენდერო დოკუმენტაციის/პირობების პროექტი (იხ.დანართები).
2. დამტკიცების შემდგომ სატენდერო კომისიის აპარატმა უზრუნველყოს ელექტრონული ტენდერის ჩატარების შესახებ განცხადებისა და სატენდერო დოკუმენტაციის/ პირობების გამოქვეყნება სახელმწიფო შესყიდვების ერთიან ელექტრონულ სისტემაში <https://tenders.procurement.gov.ge>.

ლაშა სალინაძე


ადმინისტრაციის ხელმძღვანელი
ივანე ჯავახიშვილის სახელობის თბილისის სახელმწიფო უნივერსიტეტი

ირაკლი საღარეიშვილი


დეპარტამენტის უფროსი
საფინანსო დეპარტამენტი


არჩილი კუკულავა


დეპარტამენტის უფროსი
იურიდიული დეპარტამენტი


გიორგი ტალახაძე


დეპარტამენტის უფროსი
მატერიალური რესურსების მართვის დეპარტამენტი

ნატო ჩუბინიძე


დეპარტამენტის უფროსი
საინფორმაციო ტექნოლოგიების დეპარტამენტი

ანეტა მერკვილიშვილი


განყოფილების უფროსის მოვალეობის შემსრულებელი
შესყიდვების განყოფილება

ნათელა ლაცაბიძე
პერსონალის მართვის დეპარტამენტის უფროსი - არ ესწრებოდა საპატიო მიზეზით